

# Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat

## Kapitali 1

### *Akileraartussaataaneq*

§ 1. Soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1 aamma 2 naapertorlugit akileraartussaataitaasut marloqiusamik akileraartannginnissamik isumaqatigiisummi aalajangersakkat malillugit naalagaaffimmi allami, Danmarkimi Savalimmiuniluunniit angerlarsimaffilittut isigineqanngitsut, inatsit manna malillugu soraarnerussutisiaqalernissamut aaqqissuussinernit soraarnerussutisiaqalernissamut aningaasaateqarfinni Kalaallit Nunaanni angerlarsimaffilinni sillimasiisarnermillu ingerlatsineq pillugu inatsimmut ilaasuni, imaluunniit inuunermik soraarnerussutisiaqalernissamulluunniit sillimasiisarnermik ingerlatseqatigiiffinni Kalaallit Nunaanni angerlarsimaffilinni sillimasiisarnermillu ingerlatsinissamik Aningaasaqarnermik Nakkutilliisoqarfimmit (Finanstilsynimit) akuerineqarsimasuni pilersinneqarsimasunit akileraartussaapput.

*Imm. 2.* Soraarnerussutisiaqalernissamut aningaasaateqarfiit Kalaallit Nunaanni angerlarsimaffillit, kiisalu inuunermik soraarnerussutisiaqalernissamulluunniit sillimasiisarnermik ingerlatseqatigiiffiit Kalaallit Nunaanni angerlarsimaffillit inatsit manna malillugu akileraartassapput.

*Imm. 3.* Soraarnerussutisiaqarsinnaatitaasut Danmarkip Kalaallit Nunaatalu akornanni marloqiusamik akileraartannginnissamik isumaqatigiissut malillugu Danmarkimi najugaqartutut isigineqartut Kalaallit Nunaanni soraarnerussutisiaqalernissamut aningaasaateqarfinni il.il. soraarnerussutisiaqalernissamut aaqqissuussinernit imm. 1-imi taaneqartunit akileraartussaataitaapput.

## Kapitali 2

### *Pissarsiat akileraarutaasussaataitaasut*

§ 2. Pissarsianit akileraarutaasussanit nunatta karsianut 15,3 pct.-imik akileraartoqartassaaq.

*Imm. 2.* Akileraarnermi tunngavigisassanut ukiumi aningaasarsiorfiusumi pissarsiat ilaapput. Ukioq aningaasarsiorfiusoq tassaavoq qaammatsiutit ukiuat. Sorarnerussutisiaqalernissamut aaqqissuussinermut soraarnerussutisiaqarsinnaatitaasut arlaliuppata pissarsiat naatsorsorneqartut agguataarneqartassapput ukiup aningaasarsiorfusup aallartinnerani aaqqissuussinermi pineqartup uninngasuutaasa annertussusiat naapertorlugu.

*Imm. 3.* Ukiuni aningaasarsiorfusuni akileraartussaataanerup atuutilernerani atorunnaarneraniluunniit ukioq aningaasarsiorfusooq tassaavoq qaammatisiutit ukiuata ilaa akileraartussaataaffusooq.

**§ 3.** Soraarnerussutisiaqalernissamut aningaasaateqarfiit aamma inuunermik

soraarnerussutisiaqalernissamulluunniit sillimmasiineramik ingerlatseqatigiiffiit § 1, imm. 1 naapertorlugu aaqqissuussinernut ilaasut, iluanaarutisiat akileraaruserneqartussaataasut imm. 2-8 naapertorlugu naatsorsortassavaat.

*Imm. 2.* Iluanaarut akileraaruserneqartussaataasooq uku katinnerinit naatsorsorneqartassaaq:

1) Sillimmasiinermut isumaqatigiissut naapertorlugit erniat ernianillu iluanaarutisiat qularnaveeqqutinit nalillu nikerarnerannut illersuummut akiliutinik ilanngaaserlugu uninngasuutitut ilanngunneqartut.

Sillimmammi uninngasuutit sillimmasiinermit akiliutinik kiisalu sillimmasiinermit akiliutinik aningaasartuutit, aarlerinaatinut akiliutinik akiliutinillu ilanngaaserlugit immikkut iluanaarutisiat illikartitanit nuutanik, sillimmasiinermit isumaqatigiissut naapertorlugu ernianik ilallugit, aningaasartuutitut-, aarlerinaatinut kiisalu ernianit iluanaarutisiant, illikartitat annertuseriaataannik aammalu sillimmasiinermit pisoqarnerani annikilliliilluni sillimmammillu akiliutit ilanngaatilugit naatsorsorneqartassapput.

2) Aningaasat allat uninngasuutitut ilineqartut, aningaasaliissutinillu iluanaarutineersut.

3) Ernianit iluanaarutisiat sillimmammi uninngasuutineersuunngitsut, arlaatigulli sillimmammut soraarnerussutisianulluunniit aningaasaateqarfiup aaqqissuussaanut attuumassuteqartut.

4) Sillimmammut soraarnerussutisianulluunniit aningaasaateqarfiup aaqqissuussaanut atasunik immikkut iluanaarutisiat, aningaasaliinernit iluanaarutinit aallaavillit.

5) Ukiut ingerlaneranni akiliutit § 16, imm. 2, uniffiit aappaat naapertorlugu akileraarutitut akiliutinik ilaneqartut, soraarnerussutisiamik aaqqissuussaq naapertorlugu inuunermik sillimmasiisarfiup il.il. aningaasaliinernit iluanaarutisiaanit pissarsisussaataasumut toqqaannartumik akiligai.

6) § 16, imm. 2, uniffiit aappaat naapertorlugu akileraarutitut ilanngaatit.

*Imm. 3.* Akileraartussaataasooq sillimmammik atorunnaarsitsinermit iluanaarutisiassatut sillimmatinik agguanneqanngitsunik, ernianit iluanaarutisiant sillimmatip atuunnerata nalaani atugassanngortinneqartunit katersugaasunik pissarsisussaataaguni, ukiumut iluanaarutisiant akileraaruserneqartussaataasunut aningaasat sillimmatip atuunnerata nalaani sillimmammut ilineqartut annertoqataat ilanngunneqassapput.

*Imm. 4.* Soraarnerussutisiant aningaasaateqarfiup sillimmasiissutit eqimattamut eqimattanulluunniit arlalinut agguassavai.

*Imm. 5.* Ukiuni aningaasartuutitut naatsorsuutit inernerat eqimattanut imm. 4-miittunut amigartoornermiippat, taassuma ilaa naapertuuttoq soraarnerussutisiant pissarsisussaataasup iluanaarutisiaanut akileraaruserneqartussaataasumut ilanngunneqassaaq. Ukiuni aningaasartuutit inernerat sillimmasiissutini eqimattani tamani naatsorsorneqartarpoq, aappaattullu aningaasartuutitut akiliutitut eqimattanut aningaasartuuterpiaasut ilanngaatilugit naatsorsuunneqartarluni. Ukiuni aningaasartuutitut akiliutit tullit tassaapput aningaasartuutitut akiliutissat isumaqatigiissut naapertorlugu akiligassat annerpaaffissat, taakkunaannga ukiuni aningaasartuutitut iluanaarutisiaq ilanngaatilugu. Ukiut siuliini aningaasartuutit naatsorsorneqarnerisa inernerinit sinneqartoortutit, ukiup amigartoorfusumik aningaasartuutitut naatsorsuutaanut ilineqarsinnaavoq. Uniffiit sisamaat naapertorlugu ilanngaasiinermit, soraarnerussutisiant aningaasaateqarfiup aningaasaatit sipaarneqartut

nammineq aningaasaatineersuunerat imaluunniit sinneqartoorutisianit sillimmatinit agguanneqanngitsuneersuunerat, ukiumi aningaasartuutit naatsorsorneqarneranni amigartoortumut ilanngaatit atorineqartut, ukioq akileraarutinit akiliiffik sioqqullugu ukiuni aningaasartuutit naatsorneqarnerisa inernerini sinneqartoorutineersuusoq uppersarsinnaagaa tunngavissaatinneqarpoq. Soraarnerussutisiassanik pissarsisussaataasup ukiumi aningaasartuutit amigartoortumik inerneranni agguagarsiaa, ukiumi aningaasartuutaasut inernerannik inuup ukiumi pineqartumi aningaasartuutinit akiliutaanik imaluunniit aningaasartuutinit ilassutaata il.il. kiisalu eqimattat ataatsimut ukiumi aningaasartuutinit akiliutaannik imaluunniit aningaasartuutinit ilassutaanik il.il. gangerlugu. Soraarnerussutisianik aningaasaateqarfik eqimattanut aningaasartuutinit matussutissanut aningaasartuutinit ilaassummik, akiliutinit assigisaanilluunniit akiliisanngitsunut, soraarnerussutisianik pissarsisussaataasup ukiumi aningaasartuutinit naatsorsuutini inerneranut amigartoortumut agguagarsissutissaa, eqimattap aningaasartuutinit amigartoortumik inernerata eqimattani inuit amerlassusaannik aggorlugu naatsorsorsinnaavaa.

*Imm. 6.* Ukiumi aarlerinaatit inernerat eqimattanut imm. 4-miittunut amigartoortermiippat, taassuma ilaa naapertuuttoq soraarnerussutisianik pissarsisussaataasup iluanaarutisiaanut akileraaruserneqartussaataasumut ilanngunneqassaaq. Ukiumi aarlerinaatit inernerat sillimatini eqimattanut tamani naatsorsorneqartarpoq, aappaattullu aarlerinaatinut akiliutinit eqimattanuut aningaasartuuterpiaasut ilanngaatigalugit naatsorsunneqartarluni. Ukiumi aarlerinaatinut akiliutit tassapput aarlerinaatinut akiliutit, isumaqatigiissut naapertorlugu akiligassat annertunerpaaffiat, ukiumi aarlerinaatinik iluanaarutisiat ilanngaatigalugit. Ukiut siuliini aarlerinaatinut inernerit sinneqartootutit, ukiup amigartoortumik aarlerinaataanik inerneqartumut ilineqarsinnaavoq. Uniffiit sisamaat naapertorlugu ilanngaasiinermi, soraarnerussutisianik aningaasaateqarfiup aningaasaatit sipaarneqartut nammineq aningaasaatineersuunerat imaluunniit sinneqartoorutisianit sillimmatinit agguanneqanngitsuneersuunerat, ukiumi aarlerinaatinik angusani amigartoortumut ilanngaatit atorineqartut, ukioq akileraarutinit akiliiffik sioqqullugu ukiuni aarlerinaatinik inernerini sinneqartoorutineersuusoq uppersarsinnaagaa tunngavissaatinneqarpoq. Soraarnerussutisiassanik pissarsisussaataasup ukiumi aarlerinaatit inerneranni agguagarsiaa, ukiup amigartoortumik inerneranni inuup toqunerani aarlerinaatinut akiliutaata kisitsisaanik aamma inuussutissarsiorsinnaanerminik annaasaqarnermut aarlerinaammut akiliutaanik kiisalu eqimattamiittut toqunermikkut inuussutissarsiorsinnaajunnaarnermikkullu aarlerinaammut akiliutaannik gangerlugit naatsorsorneqassaaq.

*Imm. 7.* Soraarnerussutisianik aningaasaateqarfik eqimattanut tamanut imm. 4 naapertorlugu ernianut-, aarlerinaatinut, aningaasartuutillu inerneranik naatsorsuusiortassaaq. Erniat inernerat ukiumi aningaasaliissutinit, eqimattap sillimasiinermi isumaqatigiissutit naapertorlugit ernianut aningaasartuutai ilanngaatigalugit iluanaarutisiat ilaatut eqimattamut tunniunneqartup ilaatut naatsorsorneqassaaq. Aarlerinaatinut inerneq ukiumi eqimattap aarlerinaatinut akiliutaatut, eqimattamut aarlerinaatit aningaasartuutaarpiartut ilanngaatigalugit naatsorsorneqartassaaq.

*Imm. 8.* Ukiumi pigisanut nalilinnut aningaasaliinermi iluanaarutisiat, teknikikkut kinguartitsinernik imaqartut, aningaasanut agguanneqanngitsunut ilaangitsut, tak. § 5, imm. 2 imaluunniit 3, imaluunniit soraarnerussutisiassaqartup uninngasuutaata ilai, tak. Imm. 2, nr 1, uniffiit aappaat, imm. 1-7 naapertorlugu akileraaruserneqartussaataasutut iluanaarutisianut ilanngullugit naatsorsorneqassanngillat.

**§ 4.** Soraarnerussutisiaqalernissamut aningaasaateqarfiit § 1, imm. 2-mi taaneqartut pigisanit nalilinnit pissarsiaat suugaluartulluunniit akileraarnermi tunngavigisassanut ilannguttassavaat, taamaattorli imm. 2 aamma § 5 takukkit.

*Imm. 2.* Akileraarnermi tunngavigisassat naatsorsornerini makku ilanngaatineqarsinnaapput:

- 1) aningaasat, soraarnerussutisiaqalernissamut aaqqissuussinernut § 1, imm. 1-mi taaneqartunut pisussaaffinnut matusissutissatut erniatut il.il. ataasiakkaarlugit immikkoortinneqartut aamma
- 2) aningaasat sillimmasiinernut soraarnerussutisiat akileraaruserneqartarnerat pillugu inatsimmut ilanngitsut, taamaallaallu tunniunneqarsinnaasut piffissaq sillimmasersimanerup atorunnaarfissaatut isumaqatigiissutigineqarsimasooq sioqqullugu sillimmasersimasooq napparsimalerpat, innarluuteqalerpat toquppalluunniit, piffissaq atorunnaarfissatut isumaqatigiissutaasooq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermit kingusinnerunngippat.

**§ 5.** Inuunermik soraarnerussutisiaqalernissamullu sillimmasiisarnermik ingerlatseqatigiiffiit kiisalu soraarnerussutisianik aningaasaateqarfiit § 1, imm. 2-mi taaneqartut aningaasaatinut agguanneqanngitsunit aamma nammineq aningaasaatinut ernianit aningaasanillu imm. 4 naapertorlugu teknikikkut immikkoortitsinernut tunngatinneqartunit akileraartassapput imm. 2-6 malillugit.

*Imm. 2.* Aningaasaatitut agguanneqanngitsutut paasineqassapput aningaasalersuinerimik ingerlatsineq pillugu inatsit aamma sillimmasiisarnermik ingerlatseqatigiiffiit suliffeqarnermillu soraarnerussutisiaqalernissamut aningaasaateqarfiit aningaasaatitik pillugit nalunaarusiaat pillugit nalunaarut naapertorlugu ataatsimut immikkut pissarsiarineqarsinnaasunut immikkoortitat, ataatsimoorluni immikkut ittumik immikkut pissarsiarineqarsinnaasunut immikkoortitat agguanneqarsimanngitsut aamma nalinik iluarsisutit katersat § 3, imm. 3 malillugu akileraaruserneqartussaannngitsut.

*Imm. 3.* Inuunermik sillimmasiisarnermik ingerlatseqatigiiffiit kiisalu soraarnerussutisiaqalernissamut aningaasaateqarfiit eqqarsaatigalugit aningaasaatitut agguanneqanngitsutut paasineqassapput soraarnerussutisiaqarsinnaasumut iluaqutaasussatut immikkoortitsinerit il.il. suugaluartulluunniit, § 3 malillugu soraarnerussutisiaqarsinnaatitaasup akileraarutissaanut tunngavigisassanut ilaatinneqanngitsut.

*Imm. 4.* Akileraarnermi tunngavigisassat naatsorsorneqassapput ukiup aningaasarsiorfusup naanerani aningaasaatitut agguanneqarsimanngitsutut, ukiup aningaasarsiorfusup aallartinnerani aningaasaatit agguanneqanngitsut naatsorsorneqartut ilanngaatigalugit. Oqaaseqatigiinni siullerit akileraarnermi tunngavigisassanut ilanngunneqassapput ukiumi ajutooriataarsinnaanermut aningaasartuuteqarnermullu angusat avataatigut nammineq aningaasaatinut erniat sinneqartoorutillu teknikikkut immikkoortitsinernut imm. 2 malillugu aningaasaatinut agguataarneqanngitsunut imaluunniit sillimmasersimasup § 4, imm. 2 naapertorlugu toqqortaanut ilaannngitsunut tunngatinneqartut. Teknikikkut immikkoortitanut ajutooriataarsinnaanermut aningaasartuuteqarnermullu angusat amigartoorfusut oqaaseqatigiit aappaat malillugu akileraarnermi tunngavigisassanut ilanngunneqassapput. Ukiumut qaangiuttumut aningaasartuuteqarnermut angusat sinneqartoorfusut ukiumi aningaasartuuteqarnermut angusanut amigartoorfusunut ilanngunneqarsinnaapput, ukiumullu qaangiuttumut ajutooriataarsinnaanermut angusat sinneqartoorfusut ukiumi ajutooriataarsinnaanermut angusanut amigartoorfusunut ilanngunneqarsinnaallutik. Oqaaseqatigiit sisamaanni ilanngaasinnaanermut piumasaqaataavoq

soraarnerussutisiaqalernissamut aningaasaateqarfiup uppersarsinnaassagaa nammineq aningaasaatinit aningaasat katersorneqarsimasut imaluunniit aningaasaatit agguataarneqarsimasut, ukiumi ataatsimi aningaasartuuteqarnermi angusanit amigartoorfusunit ilanngaatineqartut, ukioq aningaasarsiorfusoq sioqqullugu teknikikkut immikkoortitsinernut aningaasartuuteqarnermi angusani sinneqartoorutinit pisuusut, aamma nammineq aningaasaatinit imaluunniit aningaasaatinit agguataarneqarsimanngitsunit aningaasaatit katersat, ukiumi ataatsimi ajutooriataarsinnaanermut angusani amigartoorutinit ilanngaatitut atorineqartut, ukioq aningaasarsiorfusoq sioqqullugu ukiumi teknikikkut immikkoortitanut ajutooriataarsinnaanermut angusani sinneqartoorutinit pisuusut.

*Imm. 5.* Inuunermik soraarnerussutisiaqalernissamulluunniit sillimasiisarnermik ingerlatseqatigiiffit kiisalu soraarnerussutisiaqalernissamut aningaasaateqarfiit imm. 4 malillugu akileraarnermi tunngavigisassat naatsorsornerini ukiup aningaasarsiorfusup ingerlanerani aningaasaatini agguanneqanngitsuni ajutooriataarsinnaanermut aningaasartuuteqarnermullu angusani katersani allannguut isiginngitsuusaarsinnaavaat, allannguut inatsit manna malillugu akileraartalerneqartut ikaarsaariarnerup kingorna pisimappat. Taamaattorli aningaasaatit agguanneqanngitsut, § 4 imaluunniit imm. 4, oqaaseqatigiit pingajuat, malillugit akileraarutaasussanngortinneqarsimasut tamatigut imm. 4 malillugu akileraarnermi tunngavigisassanik appartitsisarput.

*Imm. 6.* Imm. 4 malillugu akileraarnermi tunngavigisassat naatsorsornerini aningaasaatit agguanneqanngitsut kiisalu nammineq aningaasaatinit erniat aningaasallu imm. 4 naapertorlugu teknikikkut immikkoortitsinernut tunngatinneqartut, taamaallaat tunniunneqarsinnaasunut piffissaq sillimmasersimanerup atorunnaarfissaatut isumaqatigiissutigineqarsimasooq sioqqullugu sillimmasersimasooq napparsimalerpat, innarluuteqalerpat toquppalluunniit, piffissaq atorunnaarfissaatut isumaqatigiissutaasooq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermit kingusinnerunngippat.

*Imm. 7.* Soraarnerussutisiassat nalinginik illersuinerneqartut akiliutit, § 4 malillugu akileraarnermi tunngavigisassat naatsorsorneqarneranni ilanngaatineqarsimasut, taamaattoq imm. 4 malillugu akileraarnermi tunngavigisassanik tamatigut annertunerulersitsisarput.

**§ 6.** Pisassarisanit annaasat ilanngaatineqarsinnaanngillat pisassarisanit erniatigut isertitat pisassarisanit iluanaarutilluunniit inatsimmut matumunnga ilaatinneqartut marloqiusamik akileraartannginnissamik isumaqatigiissut malillugu isertitat akileraarutaasussat naatsorsorneqarneranni ilaatinneqartussaannngippata.

**§ 7.** § 5 malillugu akileraarnermi tunngavigisassat §§-ini 8-12 najoqqutassat malillugit naatsorsorneqassapput.

**§ 8.** Akileraarnermi tunngavigisassat naatsorsorneqarnerini ukiumi aningaasarsiorfusumi ernianut aningaasartuutit akileraarnermi tunngavigisassat naatsorsorneqarnerini ilanngaatineqarsinnaapput. Akileraarutissanulli erniat akileraarnermi tunngavissat naatsorsorneqarnerini ilanngaatineqarsinnaanngillat.

*Imm. 2.* Akileraarnermi tunngavigisassat naatsorsorneqarnerini aningaasartuutit ukiumi aningaasarsiorfusumi pigisat akileraarutaasussat aquunneqarnerannut atorineqarsimasut ilanngaatineqarsinnaapput, taamaattorli oqaaseqatigiit aappaat takujuk. Sillimmasiinerit ernianit

immikkut pissarsiffiussinnaanngitsut eqqarsaatigalugit § 4 malillugu akileraarnermi tunngavigisassanit sillimmasersimanerup allaffissornikkut aqunneqarneranut ukiumi aningaasarsiorfiusumi aningaasartuutaasimasut ilanngaatineqartassapput. Aningaasartuutit aningaasarsianit akileraarutaasussat pillugit akileraartarnermut inatsisini nalinginnaasumik malittarisassat malillugit naatsorsorneqartassapput. Taamaattoq akileraartarnermi nalikilliliisarnerit pillugit malittarisassat, ingerlatsinermut atortut nalikillilerneqartarneri pillugu malittarisassat eqqaassanngikkaanni, atuutissanngillat.

### Kapitali 3

#### *Akileraarnermi tunngavigisassat naatsorsorneqarnerini il.il.*

§ 9. Aaqqissuussinermi akileraaruteqaataasussami katersat peqatigiiffimmi imaluunniit peqatigiiffiup immikkoortortaani ilaasortat aningaasaleeqataassutaannut uppersaatinik tuniniarneqarsinnaasunik tunniussiviuneq ajortuni aningaasaliissutigineqarpata, ilaasortarlu ingerlaavartumik peqatigiiffiup pigisaanit nalilinnit immikkut naatsorsorlugit ukiumi sinneqartoorutinit pigisaanillu pissarseqaataasarpup, piginneqataassutinit pissarsiat ilaat akileraaruteqaataasussat naatsorsorneqassapput.

§ 10. Akileraartussaataitaasut § 1, imm. 2-mi taaneqartut, inatsisitigut inuttut isigineqarsinnaasumi, § 26, imm. 4 takujuk, [\[1\]](#) piginneqataassutiminnit pissarsiatik akileraaruteqaataasussat naatsorsorsinnaavaat piginneqataassutiminnit pissarsiamik aamma piginneqataassutiminnit iluanaarutimik annaasamillu imm. 2 malillugu naatsorsukkat katinnerattut, taamaattorli imm. 3 aamma 4 takukkit, inatsisitigut inuttut isigineqarsinnaasoq Kalaallit Nunaanni akileraartarnermut malittarisassat malillugit akileraartussaataitaasutut taasaanngippata. Piumasaqaataavoq akileraartussaataitaasup ukiup aningaasarsiorfiusup ingerlanerani arlaatigut inatsisitigut inuttut isigineqarsinnaasumut ingerlatseqatigiiffissuakkt atassuteqarsimannginnissaa, aningaasalersuineq pillugu inatsimmi § 5 naapertorlugu. Oqaaseqatigiit siulliit aappaallu taamatuttaaq atuutissapput, aningaasaliissuteqartarnermut peqatigiiffik kontuinnaalik aqutigalugu aningaasaliissuteqartoqarpup.

*Imm. 2.* Imm. 1-mi taaneqartutut inatsisitigut inuttut isigineqarsinnaasumi piginneqataassutinit iluanaarutit annaasallu ukiup aningaasarsiorfiusup naanerani piginneqataassutit nalingisa aamma ukiup aningaasarsiorfiusup aallartinnerani nalingisa assigiinngissutaattut naatsorsorneqassapput. Ukiup aningaasarsiorfiusup ingerlanerani piginneqataassummik pisineri iluanaarutit annaasallu naatsorsorneqassapput ukiup aningaasarsiorfiusup aallartinnerani piginneqataassutip nalingata piginneqataassutillu pissarsiarineqarnermini akiata assigiinngissutaattut. Piginneqataassut ukiumi aningaasarsiaqarfiusumi tunineqarsimappat, iluanaarutit annaasallu naatsorsorneqassapput piginneqataassutip tunineqarnermini akiata ukiullu aningaasarsiorfiusup aallartinnerani piginneqataassutip nalingata assigiinngissutaattut. Piginneqataassut ukiumi aningaasarsiaqarfiusumi tassani pissarsiarineqarlutillu tunineqarsimappata, iluanaarutit annaasallu naatsorsorneqassapput tunineqarnermini akiata pissarsiarineqarnermilu akiata assigiinngissutaattut.

*Imm. 3.* Akileraartussaataitaasup naalagaaffimmut allamut, Danmarkimut Savalimmiunulluunniit akileraarutit, inatsimmi matumani § 15 malillugu akileraarutissanit ilanngaatisinnaavaat, akileraarut imm. 1 malillugu akileraarnermi tunngavigisassanut ilanngunneqarsimagaangat. Akileraartussaataitaasup nunamit ataatsimit tassannga isertitaminut tamanut § 15 malillugu akileraarutinit

ilanngaatigineqartussamik akileraarummik naatsorsuinissaa piumasaqaataavoq.

*Imm. 4.* Imm. 1 malillugu akileraarnermi tunngavigisassat appartinneqassapput inatsisitigut inuttut isigineqarsinnaasumi piginneqataassutip nalingata qaffariataata ilaanik, akileraartussaataitaasup aningaasartuutaanik, akileraartussaataitaasup inatsisitigullu inuttut isigineqarsinnaasup akornanni niuernernut tunngatinneqarsinnaanertik pissutigalugu ilanngaatigineqarsinnaanngitsunik illuatungilerneqartunik. Imm. 1 malillugu akileraarnermi tunngavigisassat ilaneqassapput inatsisitigut inuttut isigineqarsinnaasumi piginneqataassutip nalingata appariaataasa ilaanik, akileraartussaataitaasup inatsisitigullu inuttut isigineqarsinnaasup akornanni niuernernut tunngatinneqarsinnaanertik pissutigalugu akileraarutaasussaannngitsunik illuatungilerneqartunik.

*Imm. 5.* Akileraartussaataitaasup inatsisitigut inuttut isigineqarsinnaasumi piginneqataassutiminit pissarsiani akileraaruteqaataasussat imm. 1 malillugu naatsorsorneqarnissaat toqqarpagu, tamanna akileraartussaataitaasumut pituttuisuuvuq, katersat piginneqataassummi inissinneqarsimatillugit, taamaattoqli imm. 1, oqaaseqatigiit aappaat takujuk. Imm. 1, oqaaseqatigiit aappaanni piumasaqaatit naammassineqarsimajunnaarpata, akileraartussaataitaasup kingusinnerusukkut imm. 1 malillugu naatsorsueriaaseq toqqarsinnaanngilaa.

**§ 11.** § 5 malillugu akileraarnermi tunngavigisassat naatsorsorneqarnerini ukiup aningaasarsiorfusup ingerlanerani ernianit isertitat ilanngullugit naatsorsorneqassapput. Akileraarutissanut erniat ukiumut akilernerqarfimminnut tunngatinneqassapput.

*Imm. 2.* Pigisanik aalaakkaasunik imaluunniit inuussutissarsiummik allamik sillimasiisarnerunngitsumik soraarnerussutiassanullu aningaasaateqarfiunngitsumik ingerlatsinikkut sinneqartoorutit amigartoorutilluunniit isertitat akileraarutaasussat pillugit akileraartarnermut inatsisini nalinginnaasumik malittarisassat malillugit naatsorsorneqassapput. Illuutini atortulersuutinilu akileraartarnikkut nalikilliliisarnermut malittarisassat atuutissanngillat. Inuussutissarsiummik allamik sillimasiisarnerunngitsumik soraarnerussutiassanullu aningaasaateqarfiunngitsumik allanut tunniussinermit pissarsiat annaasalluunniit isertitat akileraaruteqaataasussat pillugit akileraartarnermut inatsisini nalinginnaasumik malittarisassat malillugit naatsorsorneqartassapput, taamaattoq imm. 3 takujuk.

*Imm. 3.* Obligationinit, qularnaveeqqusiussaqaarluni taarsigassarsisimanermut uppersaatinut pissarsianillu allanit, aningaasalersuinissamik isumaqatigiissutinit, aningaasaliissuteqarsimanermut uppersaatinut, aktianit, piginneqataassutinit, piginneqataassuteqarnermut uppersaatinut aamma obligationinit aktianngortinneqarsinnaasunit kiisalu pigisanit aalaakkaasunit iluanaarutit annaasalluunniit ukiup aningaasarsiorfusup naanerani pigisap nalillip pineqartup nalingata ukiullu aningaasarsiorfusup aallartinnerani nalingata assigiissisutaattut naatsorsorneqassaaq. Pigisaq nalilik ukiumi aningaasarsiaqarfiusumi pissarsiarineqarsimappat, iluanaarutit annaasalluunniit naatsorsorneqassapput ukiup aningaasarsiorfusup naanerani nalingata pissarsiarineranilu akiata aningaasanngorlugu nalingata assigiinngissutaattut. Pigisaq nalilik ukiup aningaasarsiorfusup ingerlanerani tunineqarsimappat, iluanaarutit annaasalluunniit naatsorsorneqassapput tunineqarnerata akiata aningaasanngorlugu nalingata ukiullu aningaasarsiorfusup aallartinnerani nalingata assigiinngissutaattut. Pigisaq nalilik ukiumi aningaasarsiaqarfiusumi tassani pissarsiarineqaarlunilu tunineqarsimappat, iluanaarutit annaasallu naatsorsorneqassapput tunineqarnerani akiata aningaasanngorlugu nalingata pissarsiarineranilu akiata aningaasanngorlunga nalingata assigiinngissutaattut. Aningaasanngortitsinermit pissarsiat aktiaateqaarluni

ingerlatseqatigiiffinnit, piginneqataassuteqarluni ingerlatseqatigiiffinnit, piginneqatigiiffinnit, aningaasaliissuteqartarnermut peqatigiiffinnit il.il. qaammatisiutit ukiuanni ingerlatseqatigiiffup inaarutaasumik atorunnaarsinneqarnerani agguanneqartut tunisinnermit pissarsiatut isigineqassapput. Pigisaq nalilik siusinnerusukkut akileraarutaasussaangitsoq akileraarutaasussanngorpat, pigisaq nalilik akileraartussaataalernermini niuernermini nalimisut pissarsiarineqarsimasutut isigineqassaaq. Pigisaq nalilik siusinnerusukkut akileraarutaasussaasimasooq akileraarutaasussaajunnaarpat, iluanaarutit annaasallu naatsorsorneqassapput, pigisap nalillip akileraarutaasussaajunnaarnerminini niuernermini nalimisut tunineqarsimasutut. Nunat allat aningaasanngorlugit nalilinnik peqarnermini taakku nalingat danskit koruuninngorlugu naatsorsorneqassaaq.

*Imm. 4.* Imm. 3, oqaaseqatigiit siulliit, aappaat sisamaallu malillugit naatsorsuinnermi immikkoortumi matumani aalajangersakkat taamatuttaaq atuutissapput. Aningaasaliissuteqartarfimmit minnerpaamik akileraartartumit minnerpaamik isertitanit timitalimmik tunniussiviuneq ajortumi, timitalimik tunniussisoqannginnera aallaqqaammut piginneqataassummut ilassutitut, aallaqqaammut piginneqataassutit pissarsiarineqarnerani pissarsiarineqartutut, akiliuteqarsimannginnermullu naapertuuttumik pissarsiarineqarnermini akilittut, isigineqassaaq. Timitalimmik tunniussisoqannginnera aallaqqaammut piginneqataassummut ilanngunneqartutut isigineqassaaq aningaasaliissuteqartarfiup naatsorsuutini ukiumoortumik akuersissuteqarneranit, taamaattorli aningaasaliissuteqartarfiup ukiuata aningaasarsiaqarfiup qaangiunneranit kingusinnerpaamik qaammatit arfinillit qaangiunneranni. Oqaaseqatigiilli aappaat aatsaat atuutissaaq, tunniussinnginneq aningaasaliissuteqartarfimmit aningaasaliissutitut nutaatut, aningaasaliissuteqartarfimmi tiguisissap kisitsisitigut piginneqataassutaasa annertusineranik kinguneqartutut, suliarineqanngippat, imaluunniit aningaasaliissuteqartarfiup pigisaanik aningaasanngortitsineq, aningaasanik aningaasanngortitsinnermut atatillugu tunniunneqartunik ilanngunneqartussaaq, pineqanngippat. Pissarsiarineqarnerani nalinga aalajangersarneqarsinnaanngippat nalinga 0 kr.-inut inissinneqassaaq. Oqaaseqatigiit siulliit sisamat taamatuttaaq atuutissapput akileraartussaataasumut, uninngasuuteqarnermik najoqqutaqarneq malillugu aningaasaliissuteqartarfimmi minnerpaamik akileraartussaataasuni aningaasaliissuteqarnermut uppersaattit nalingisa qaffannerinit akileraartussamit, naak suliffeqarfik aningaasaliissuteqartarfiunngikkaluortoq, timitalimmik tunniussisoqartinnagu.

*Imm. 5.* Imm. 3 taamatuttaaq akiitsoqarnermi pissarsianut annaasanullu atuutissaaq.

*Imm. 6.* Ingerlatseqatigiiffik nammineq aktiaatinik atorunnaarsitsippat ukiup aningaasarsiorfusup aallartinnerani aktiat atorunnaarsinneqartut niuerutigineqarnerminni nalingat ukiup aningaasarsiorfusup aallartinnerani aktiat pineqartut niuerutigineqarnerminni nalinginit peerneqassaaq. Aktiat ukiup aningaasarsiorfusup ingerlanerani pissarsiarineqarsimasut atorunnaarsinneqarpata, ukiup aningaasarsiorfusup ingerlanerani nammineq aktiaatinik pissarsiarineqartunik ingerlatseqatigiiffup pigisaasa tamarmiusut pissarsiarineqarnerminni aktiat aktiat atorunnaarsinneqartut aktiallu ingerlatseqatigiiffimmit piginnarneqartut akornanni taakku amerlassusii naapertorlugit agguataarneqassapput. Nammineq aktiaatinik atorunnaarsitsineq ukiup aningaasarsiorfusup aallartinnerani aktiat pigineqartut ukiumilu aningaasarsiorfusumi pissarsiarineqartut akornanni taakku amerlassusii naapertorlugit pisutut isigineqassaaq.

**§ 12.** Akileraarnermi tunngavigisassat ilaat akileraaruteqaataasussat amigartoorfiulerpata, akileraarutissat amigartoorfusut naatsorsorneqassapput ernialiusaaq § 2, imm 1-imi taaneqartoq



naapertorlugu. Akileraarutissat amigartoorfusut inatsit manna malillugu ukiuni aningaasarsiorfusuni tulluuttuni akileraarutissanit ilanngaatineqarsinnaapput, taamaattorli imm. 2 takujuk. Oqaaseqatigiit aappaat taamatuttaaq atuutissaaq ernianut imm. 6 naapertorlugu akileraarutissanut amigartoorfusunut immikkut kontunut ilanngunneqartunut. Imm. 6 naapertorlugu akileraarutissanut amigartoorfusunut immikkut kontumi uninngasuutit ilanngaatineqartassapput, akileraarutissanit amigartoorfusunit allanit ilanngaateqartoqartinnagu. Ilanngaanerit pisassapput ukiumi aningaasarsiaqarfusumi sapinngisamik siusinnerpaamik. Nuussisoqartillugu oqaaseqatigiit siulliit naapertorlugit akileraarutissat amigartoorfusut piffissami nuussinermi naapertuuttumik appartinneqassapput. Naapertuuttumik appartitsineq naatsorsorneqassaaq aningaasanut nuunneqartunut akitsuutip aningaasallu nuunneqartut akornanni pissutsitut. Ukiumi aningaasarsiaqarfusumi nuussiviusumi akileraarnermi tunngavigisassat, imm. 6 malillugu akileraarutissanik amigartoorfusunik amerlisitsisut ikilitsisulluunniit, tamatuma kingorna ukiumi aningaasarsiaqarfusumi akileraarnermi tunngavigisassat tamarmiusut naatsorsorneqarneranni ilanngunneqassanngillat.

*Imm. 2. § 1, imm. 2 malillugu akileraartussaataasunut imm. 1, oqaaseqatigiit aappaat pingajuallu malillugit akileraarutissat amigartoorfusut erniallu, ukiup aningaasarsiorfusup, akileraarutissat amigartoorfusut erniallu naatsorsorneqarfisa kingorna ukiuni aningaasarsiorfusuni tallimani siullerni tulluuttuni ilanngaatineqarsimanngitsut, tunniunneqassapput, taamaattorli imm. 3 aamma 4 takukkit. Oqaaseqatigiit siulliit malillugit naatsorsuinnermi, erniat, akileraarutissanut amigartoorfusunut immikkut kontumut ernialiunneqartut akileraarutissanit amigartoorfusunit naatsorsorneqarfimminnit peqatigalugu pilersimasutut isigineqassapput.*

*Imm. 3. § 1, imm. 2 malillugu soraarnerussutisianik aningaasaateqarfinnut, aningaasat imm. 2 malillugu tunniunneqartussatut kissaatigineqartut, imm. 2 malillugu aningaasanut siusinnerusukkut tunniunneqarsimasunut katillugit annerpaamik uku katinnerisinnaavaat:*

- 1) inatsimmi matumani § 4 naapertorlugu akileraarutit, katillugit ukiuni aningaasarsiorfusuni qaangiuttuni akilernerqarsimasut,*
- 2) imm. 6, oqaaseqatigiit siulliit, naapertorlugu akileraarutissanut amigartoorfusunut immikkut kontumut ernialiunneqarsimasut.*

*Imm. 4. § 1, imm. 2 malillugu inuunermik soraarnerussutisiaqalernissamullu sillimmasiisarnermik ingerlatseqatigiiffinnut kiisalu soraarnerussutisiaqalernissamut aningaasaateqarfinnut, aningaasat imm. 2 malillugu tunniunneqartussatut kissaatigineqartut, imm. 2 malillugu siusinnerusukkut aningaasanut tunniunneqarsimasunut katillugit annerpaamik uku katinnerisinnaavaat*

- 1) inatsimmi matumani § 4 naapertorlugu akileraarutit, katillugit ukiuni aningaasarsiorfusuni qaangiuttuni akilernerqarsimasut,*
- 2) imm. 6, oqaaseqatigiit siulliit, naapertorlugu akileraarutissanut amigartoorfusunut immikkut kontumut ernialiunneqarsimasut.*

*Imm. 5. Imm. 3 aamma 4 naapertorlugit ukiuni aningaasarsiorfusuni siusinnerusuni aningaasat qassit katersorneqarsimanersut naatsorsornerini, akileraarutissat amigartoorfusut siusinnerusukkut imm. 2-4 malillugit tunniunneqarsimasut ilanngullugit naatsorsorneqassapput. Akileraarutissat amigartoorfusut imm. 2-4 malillugit aningaasanut tunniunneqartunut naapertuuttut imm. 1-imi malittarisassat malillugit siuartinneqarsinnaanngillat.*

*Imm. 6. § 1, imm. 2 malillugu akileraartussaataasut eqqarsaatigalugit ukiumi aningaasarsiorfusumi akileraarutissat amigartoorfusut imm. 1, oqaaseqatigiit siulliit, naapertorlugit naatsorsorneqartut ilaat*

akilaraarutissanut amigartoorfusunut nalinginnaasumit kontumit akilaraarutissanut amigartoorfusunut immikkut kontumut nuunneqarsinnaapput, ukiumullu ukiup aningaasarsiorfusup naanerani ernialersorneqassallutik, ukiumi aningaasarsiaqarfusumi nalinginnaasumik ullormi kingullermi sillimmasersimanermut pisussaaffiit uuttorneqarnerisigut Aningaasaqarnermik Nakkutilliisoqarfiup najoqqutassatut ernialiussaani ukiunut tallimanut ernianut naapertuuttumik ernialerlugit. Akilaraarutissat amigartoorfusut taakkunungalut erniat naatsorsorneqartut oqaaseqatigiit aappaat malillugu ukiumi tunniussiviusumi imaluunniit oqaaseqatigiit arfineq-aappaat malillugu ukiumi nuussiviusumi ernialersorneqassanngillat. Ukiumi aningaasarsiaqarfusumi akilaraarutissat amigartoorfusut ilaat oqaaseqatigiit siulliit malillugit nuunneqartut, annertunerpaamik allanngortitsinermut immikkut tapisiat, soraarnerussutisiaqalernissamut aningaasaateqarfiup ukiumi aningaasarsiaqarfusumi aaqqissuussinermik ernianut immikkut tapisiaqarfusinnaasumit aaqqissuussinermut qularnaveeqquusiinertaqanngitsumut, aaqqissuussinermut 0 pct.-imik qularnaveeqquusiinertalimmut imaluunniit aaqqissuussinermut piumasaqaatitalimmik qularnaveeqquusiinertalimmut 0 pct. sinnerlugu piumasaqaatitaqanngitsumik qularnaveeqquusiinertaqanngitsumut allanngortitsinermut atatillugu soraarnerussutisiaqarsinnaatitaasunut agguassaasa akilaraartarnermik nalinganut naapertuuttumik annerpaamik annertussuseqarsinnaavoq. Soraarnerussutisiaqalernissamut aningaasaateqarfiit il.il. § 4-mut ilaatinneqartut eqqarsaatigalugit oqaaseqatigiit pingajuat naapertorlugu oqaaseqatigiit pingajuat malillugu allanngortitsinermut atatillugu immikkut pissarsiat tunniunneqartut akilaraartarnikkut nalingat naatsorsorneqassaaq, aningaasat § 4, imm. 2, nr. 1 malillugu ilanngaatigineqarsimasut akilaraartarnermi nalingattut, aaqqissuussinernillu § 4, imm. 2, nr. 1-imut ilaatinneqartunik soraarnerussutisiaqarsinnaatitaasunut toqqaannartumik tunniunneqartut akilaraartarnikkut nalinginik, allanngortitsinernut immikkut tapisiat tunniunneqarnerannut tunngatinneqarsinnaanngitsunik. Inuunermik sillimmasiisarnermik ingerlatseqatigiiffiit il.il. § 5-imut ilaatinneqartut eqqarsaatigalugit oqaaseqatigiit pingajuat malillugu allanngortitsinermut atatillugu immikkut pissarsiat tunniunneqartut akilaraartarnikkut nalingat naatsorsorneqassaaq, aningaasat § 5, imm. 4, oqaaseqatigiit siulliit malillugit akilaraartarnermi tunngavigisassanik appartitsisut ilaattut allanngortitsinermut atatillugu immikkut pissarsiat tunniunneqartunut tunngatinneqarsinnaasut akilaraartarnermi nalingattut. Akilaraarutissanut amigartoorfusunut immikkut kontumi uninngasuutit ukiup aningaasarsiorfusup naanerani uninngasuutit ernialersorneqarnerannik qaffanneqassaaq, appartinneqassallunilu kisitsimmik akilaraarutissanut amigartoorfusunut immikkut kontumi aningaasanut imm. 1 naapertorlugu §§-it 4 imaluunniit 5 malillugu ukiumi aningaasarsiaqarfusumi akilaraarutissanit ilanngaatigineqarsimasunut kiisalu imm. 2 naapertorlugu akilaraarutissanut amigartoorfusunut immikkut kontumit aningaasanut tunniunneqarsimasunut naapertuuttumik. Akilaraarutissat amigartoorfusut taakkulu ilaat akilaraarutissanut amigartoorfusunut immikkut kontumut erniat naatsorsorneqartut, imm. 2 naapertorlugu §§-it 4 imaluunniit 5 malillugit ukiumi aningaasarsiaqarfusumik akilaraarutissanut ilanngaatigineqarsimanngitsut imaluunniit imm. 2 malillugu tunniunneqarsimanngitsut, akilaraarutissanut amigartoorfusunut nalinginnaasumut kontumut nuunneqassapput, ukiup aningaasarsiorfusup akilaraarutissat amigartoorfusut naatsorsorneqarfata kingorna ukiut aningaasarsiaqarfusut arfernganni.

**§ 13.** Imm. 2-4-mi malittarisassat atuutissapput,

1) suliffeqarfiup akilaraartussaataitaasup pigisani nalillit akiitsunilu tamarmiusut suliffeqarfimmut akilaraartussaataitaasumut allamut tunniuppagit,

2) suliffeqarfiit akileraartussaataasut marluk arlallilluunniit suliffeqarfimmut akileraartussaataasumut ataatsimut kattunneqarpata,

3) suliffeqarfik akileraartussaataasooq suliffeqarfimmut akileraartussaataasunut namminersortunut marlunnut arlalinnulluunniit avinneqarpata,

4) suliffeqarfiup akileraartussaataasup inuunermik sillimmasiissutaatini aningaasalersuineramik ingerlatsineq pillugu inatsimmi § 204 malillugu suliffeqarfimmut akileraartussaataasumut allamut tunniuppagit, imaluunniit

5) allaffissornikkut pigisanik aqutsisup inuunermik sillimmasiisarnermik ingerlatseqatigiiffiup sillimmasiissutaataasa imaluunniit soraarnerussutisiaqalernissamut aningaasaateqarfiup soraarnerussutisiaqalernissamut neriorsuutaasa allaffissornikkut aqunneqarnerat ingerlateqqippagit.

*Imm. 2.* Suliffeqarfiup tiguisup suliffeqarfiup tunniussisup akileraartarnikkut inissisimanera tigullugu ingerlateqqissavaa, ukiumut aningaasarsiaqarfusumut siullermut inaarutaasumik akileraarutissanik naatsorsuineq siulleg ingerlatitseqqiinnermit sunnerneqarsimasooq tamanna aallaavigalugu ilusilersorneqarsimappat.

*Imm. 3.* Tunniussinermut atatillugu suliffeqarfimmut tiguisumut pigisanik akiitsunillu naatsorsuusiata ullulernerqarnerat akileraartarnikkut ullutut tunniussivittut isigineqassaaq. Imm. 1-imi 2-milu malittarisassat atorineqarnissaannut piumasaqaataavoq ullup tunniussiviusup suliffeqarfiup tiguisup ukiumut naatsorsuuteqarfiata aallartinneqarfiannut ullormut naapertuuttuunissaa.

*Imm. 4.* Ukiumut aningaasarsiaqarfusumut siullermut ingerlatitseqqiinnermit attorneqartumut inaarutaasumik akileraarutissanik naatsorsuinnermut peqatigitillugu, tunniussinermut atatillugu allagaatit suliarineqarsimasut assilinerqarneri akileraartarnermik ingerlatsivimmut nassiunneqassapput.

*Imm. 5.* Suliffeqarfik tunniussisooq ingerlaqqittorlu inatsit manna taamatullu aamma aningaasarsianit akileraarutit pillugit inatsit malillugit akileraartussaappata, aningaasarsianillu akileraarutit pillugit inatsimmi kapitali 5-imi malittarisassat malillugit tunniussisoqarpata imm. 1-imi, nr. 1-4-mi taaneqartutut, tunniussineq taamatuttaaq imm. 1-4 malillugit pisinnaavoq. Suliffeqarfiit inatsit manna aningaasarsianillu akileraarutit pillugit inatsit malillugit akileraartussaataasut akornanni tunniussinermut imm. 4, nr. 1-4-mi taaneqartutut imm. 2-4 atorineqarsinnaanerannut piumasaqaataavoq, tunniussinerup taamatuttaaq aningaasarsianit akileraarutit pillugit inatsimmi kapitali 5 malillugu pinissaa.

**§ 14.** Soraarnerussutisiaqalernissamut aningaasaateqarfimmik imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffimmik akileraarutaasussamik ingerlatseqatigiiffimmut aqutamut nutaamut pilersinneqartumut, soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup aktianik piginneqataassutinilluunniit tamanik piginnittuuffigiligaanut, tunniussinermi soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup aalajangersinnaavaa, tunniussineq, pissutsit oqaaseqatigiit aappaani taaneqartut eqqarsaatigalugit, ingerlatseqatigiiffimmut aqutamut pigisanut nalilinnut akiitsuinullu naatsorsuutit pilersitsinnermut atatillugu suliarineqarsimasut atuutilerfiannit akileraartarnikkut sunniuteqartinneqassasut, ingerlatseqatigiiffiup aqutap ukioq naatsorsuuteqarfia ullormit tassannga aallartippat ullorlu taanna soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup pilersitsineq sioqqullugu nalinginnaasumik ukiuata aningaasarsiorfusup kingulliup

naanerata kingorna inissisimappat. Tunniussineq naatsorsuutit ullormit naatsorsuutit aallartinneqarfiannit akileraartarnikkut sunniuteqartinneqalissappat, soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup ulloq taanna pigisaasa akiitsuusalu niuerutigineqarnerminni nalingat soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup tunineqarnermini akiata naatsorsorneqarneranut tunngaviussaaq, soraarnerussutisiaqalernissamut aningaasaateqarfimmik imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffimmik tunniussineq ulloq taanna niuerutigineqarnermi nalertik tunngavigalugu ullormi naatsorsuutit aallartiffianni pisimappat. Tunniussinerup akileraartarnikkut kingumoortumik atuutsinneqarsinnaanerata piumasaqaataavoq, naatsorsuutit aallartiffiattut ullup toqqarneqarsimasup kingorna qaammatit arfinillit qaangiutsinnagit pilersitsinerup pisimanissaa, taamatullu aamma ingerlatseqatigiiffiup pilersitsinerup kingorna qaammat ataaseq qaangiutsinnagu allagaatit tamatumunnga atatillugu suliarineqartussatut ingerlatseqatigiiffiit pillugu inatsisini piumasaqaataasut assilinerinik akileraartarnermik ingerlatsivimmut, kiisalu ingerlatseqatigiiffiup Inuussutissarsiornermik Ingerlatseqatigiiffinnillu Aqutsisoqarfimmi nalunaarsorneqartussat nalunaarutigineqarsimaneranut uppersarsaammik, nassiuusaqarnissaa, taamaattoq imm. 5 takujuk. Ingerlatseqatigiiffiup aqutap akileraartussaataitanera atuutilissaq ullormit tunniussinerup imm. 1 naapertorlugu atuuttussanngortinneqarneraniit. Suliffeqarfik inatsit manna taamatullu aamma aningaasarsianit akileraarutit pillugit inatsit malillugu akileraartussaataitappat, tunniussineq ullormit tassannga inatsimmut matumunnga aningaasarsianillu akileraarutit pillugit inatsimmut atatillugu akileraartarnikkut sunniuteqartinneqassaaq.

*Imm. 2.* Soraarnerussutisiaqalernissamut aningaasaateqarfiit imaluunniit inuunermik soraarnerussutisiaqalernissamullu sillimmasiisarnermik ingerlatseqatigiiffiit akornanni aktiaateqarluni ingerlatseqatigiiffinnut malittarisassat atuuttut naapertorlugit akileraarfusussaataitaasumik kattunneq akileraartarnikkut sunniuteqalissaaq piffissamit, soraarnerussutisiaqalernissamut aningaasaateqarfiit imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiit peqataasut kattunnermik inaarutaasumik akuersissuteqarfiannit.

*Imm. 3.* Suliffeqarfiilli aalajangersinnaavaat, kattunneq, pissutsit oqaaseqatigiit aappaanni taaneqartut eqqarsaatigalugit, kattunnermut atatillugu suliffeqarfimmut tiguisussamut pigisanut akiitsuunullu naatsorsuusiarneqarsimasup ulluaniit akileraartarnikkut sunniuteqartinneqassasoq, ulloq taanna suliffeqarfiup tiguisussap naatsorsuutitut ukiuanut naapertuuppat. Kattunneq naatsorsuutit ulluannit akileraartarnikkut sunniuteqartinneqassappat, ulloq taanna suliffeqarfiup aningaasaliisup nalinga, suliffeqarfimmi aningaasaliisumi aktianut piginneqataassutinulluunniit akiliuteqartumut ersersinneqartutut, suliffeqarfiup aningaasaliisup tunniunneqarnermini nalingata kiisalu suliffeqarfiup tiguisussap pigisanik akiitsuunillu tunniunneqartunut pissarsinermini nalingata naatsorsorneqarnerinut tunngavigineqassaaq, suliffeqarfiullu tiguisussap isertitanik naatsorsuusiornermi ilanngutissavai isertitat aningaasartuutillu suliffeqarfimmut tunngasutut isigineqarsinnaasut, suliffeqarfiit kattunneqarnerat ulloq taanna nalillit tunngavigalugit pisimasuuppat. Kattunnerup akileraartarnikkut kingumoortumik atuutsinneqarsinnaaneranut piumasaqaataavoq ullormit suliffeqarfiit peqataasut kattunnerup suliffeqarfimmi peqataasuni tamani akuersissutigineqarneranit qaammat ataaseq qaangiutsinnagu, ingerlatseqatigiiffiit pillugit inatsisini piumasaqaataasut malillugit allagaatit kattunnermut atatillugu suliarineqarsimasut assilinerisa, kiisalu suliffeqarfimmi peqataasuni kattunnerup

inaarutaasumik akuersissutigineqarsimaneranut uppersaatinik akileraarnermik ingerlatsivimmuut nassiussoqarnissaa, taamaattoorli imm. 4 takujuk.

*Imm. 4.* Inatsisartut inatsisaat manna taamatullu aamma aningaasarsianit akileraarutit pillugit inatsit malillugu suliffeqarfiit akileraartussaataappata, tunniussineq Inatsisartut inatsisaannut matumunnga aningaasarsianullu akileraarutit pillugit inatsimmut atatillugu ullormit tassannga akileraartarnikkut sunniuteqartinneqassaaq.

*Imm. 5.* Akileraartarnermik ingerlatsiviup imm. 1-mi qaammammik ataatsimik piffissamik sippuineq isiginngitsuusaarsinnaavaa.

**§ 15.** Akileraarutit naalagaaffimmut allamut, Danmarkimut Savalimmiunulluunniit akilernerqarsimasut aningaasarsianit akileraarutit pillugit inatsimmi § 69 malillugu inatsit manna malillugu akileraarutissanit ilanngaatineqarsinnaapput. Isertitat Kalaallit Nunaanni akileraaruserneqartut tamarmik, akileraarnermi tunngavigisassatut, § 12 naapertorlugu akileraarutissat amigartoorfujunnartut aamma imm. 3 malillugu akileraarutaajunnartut ilanngaatigereerlugit inatsit manna malillugu akileraarutissamut naapertuuttumik naatsorsorneqassapput.

*Imm. 2.* Akileraartussaataitasut pigisamit nalilimmit iluanaarutit annaasallu inatsit manna malillugu akileraaruserneqarnissaannut kontoqarsinnaapput, pigisamut nalilimmut pineqartumut atatillugu iluanaarutit annaasallu naalagaaffimmi allami, Danmarkimi Savalimmiuniluunniit akileraaruserneqarsinnaappata pissarsiallu naatsorsorneqarneranni iluanaarutit annaasallu toqqortaqarnermik najoqqutaqarneq malillugu ilanngullugit naatsorsuutigineqarsimappata. Kontumut ilaatinneqassapput akileraartussaataitasut nunani allani pigisaminit nalilinnit akileraarutai pigisamit nalilimmit iluanaarutit akileraarutaannut naapertuuttut imm. 1-ilu malillugu ilanngaatineqarsimanngitsut. Naalagaaffimmut allamut, Danmarkimut Savalimmiunulluunniit akileraarutit ingerlaavartumik naleqarnerulernerit imm. 1 malillugu ilanngaatineqarsinnaasunit amerlaneruppata akileraartussaataitasut akileraarutai pigisamit nalilimmit iluanaarutinit naapertuuttut inatsit manna malillugu akileraartussaataitasut allatigut akileraarutissaanit ilanngaatineqarsinnaapput. Uninngasuutit aningaasanik ilanngaatineqartumik ikilisinneqassapput. Aningaasat ilanngaatineqarsinnaasut akileraartussaataitasut inatsit manna malillugu akileraarutissaanut allanut ilaatinneqarsinnaanngitsut aningaasanngorlugit tunniunneqassapput. Pigisamit annaasaqartoqarsimappat akileraarutissanik amigartoorfiusunik naatsorsuisoqassaaq naatsorsuutit inernerinit ilanngaatineqartussamik.

*Imm. 3.* Inatsit manna malillugu akileraarut imm. 1 naapertorlugu nunanut allanut akileraarutinit ilanngaatineqartunit minneruppat, akileraartussaataitasut akileraarutit naalagaaffimmut allamut, Danmarkimut Savalimmiunulluunniit akilersimasaat ukiumi akileraarutissanit ilanngaatineqarsinnaanngitsut, inatsit manna malillugu akileraarutissat amigartoorfujunnartut peqatigalugit siuartissinnaavaat. Aningaasat siuartinneqarsinnaasut imm. 1 malillugu naatsorsorneqassapput, taakkuullutillu naalagaaffimmut allamut, Danmarkimut Savalimmiunulluunniit akileraarutit akilernerqarsimasut minnerpaaffii imaluunniit nunanit allanit pissarsianit oqilisarneqarsinnaasunit sinneqartoorutinit Kalaallit Nunaannut akileraarutit. Oqilisaassinerit aatsaat siuartinneqarsinnaapput uppersarneqarsinnaappat isertitanit taakkuninnga nunani allanit akileraarutissanik oqilisaassisoqarsimanngitsoq.

*Imm. 4.* Soraarnerussutisiani aningaasaateqarfiit inuunermillu sillimmasiisarnermik ingerlatseqatigiiffit

anigaasarsianit akileraarutit pillugit inatsit malillugu akileraartussaataasut eqqarsaatigalugit imm. 1 malillugu ilanngaas § 5 malillugu akileraarutissamit ilanngaatigineqarsinnaavoq, ilanngaas anigaasarsianit akileraarutit pillugit inatsit malillugu akileraarutissanit ilanngaatigineqarsimanngippat.

#### **Kapitali 4**

*Akiliisitsiniartarneq il.il.*

**§ 16.** § 1, imm. 2 malillugu akileraartussaataasut, soraarnerussutisiaqalernissamut aaqqissuussinernik § 1, imm. 1-imut ilaatinneqartunik neqeroorutillit, ukiup anigaasarsiorfusup naanerata kingorna kingusinnerpaamik ulloq 31. maj akileraarnermi tunngavigisassat taakkulu ilaannut akileraarusigassanut kiisalu ukiumut anigaasarsiaqarfusumut akileraarutissat ataatsimut naatsorsorneqarnerannik akileraartarnermik ingerlatsivimmut tunniussissapput. Ukiumut anigaasarsiaqarfusumut inaarutaasumik akileraarutissat naatsorsorneqarsimasut ukiup anigaasarsiaqarfusup kingorna ukiumi februaarip ulluisa 20-annit ernialersorneqalissapput akilerneqarnissaasa tungaannut, taamaattorli oqaaseqatigiit sisamaat tallimaallu takukkit. Akileraarutissat ernianik naatsorsorneqarsimasunik ilallugit naatsorsuutip nassiunneqarnerat peqatigalugu akilerneqassapput. Akileraarutissat akiitsut erniat naatsorsorneqarsimasut ilanngullugit inaarutaasumik naatsorsuinerup nassiunneqarneranut peqatigitillugu akilerneqassapput. Akileraarutaavallaarsimasut ernialerlugit utertillugit akilerneqassapput. Oqaaseqatigiit aappaat malillugu erniat, ukiup anigaasarsiorfusup tullianut ernianut § 22, imm. 5-imi taaneqartunut naapertuupput. Oqaaseqatigiit tallimaat malillugu erniat, ukiup anigaasarsiorfusup tullianut ernianut procentpointinik 3,5-inik ilanngarlugit § 22, imm. 5-imi taaneqartunut naapertuupput. Oqaaseqatigiit tallimaat malillugu erniat O pct.-imit minnerulersinnaanngillat. Akileraarutissat kingusinaartumik akilerneqarpata, oqaaseqatigiit aappaat malillugu erniat taamaattoq ullormut piffissaq eqqortumik akiliiffissaq kingulleq kisiat ilanngullugu naatsorsorneqassapput.

*Imm. 2.* Suliffeqarfiup soraarnerussutisiaqalernissamut aaqqissuussinernik § 1 imm. 1-imut ilaatinneqartumik isumaqatigiissuteqarfigineqarsimasup § 3, imm. 1-8 malillugit akileraarnermi tunngavigisassat naatsorsorneqarnissaat pisussaaffigaa. Sillimmasiinerit ernianut immikkut pissarsiassartallit eqqarsaatigalugit suliffeqarfiup akileraarutissat unerartissavai toqqartanut, immikkut pissarsiassanut immikkoortitanut imaluunniit soraarnerussutisialinnut tapisianik toqqartanut anigaasanik ikisisoqartinnagu. Sillimmasiinerit ernianut immikkut pissarsiassartaqanngitsunut suliffeqarfiup akileraarutissat unerartissavai toqqartanut akileraarutitut tunngasumi imm. 1 malillugu ernianik ilallugit, akileraarutit akilerneqarnissaat sapaatip akunneranik ataatsimik sioqqullugu, taamaattorli piffissaq eqqorlugu akiliiffissaq kingulleq sioqqullugu sapaatip akunnera ataaseq qaangiutsinnagu. Suliffeqarfiup akileraarutaasussat unerartissavai, aamma naak soraarnerussutisiaqarsinnaatitaasup toqqorsiviani tigorlaannarnik anigaasaqanngikkaluartoq. Soraarnerussutisiaqarsinnaatitaasup anigaasat soraarnerussutisiaqartussaataasooq sinnerlugu atorsimasai ernialersorneqassapput erniamik § 22, imm. 5, oqaaseqatigiit aappaanni taaneqartumik, piffissamiit suliffeqarfiup atuisimaneq pillugu kontoqartumut allakkatigut ilisimatitsissuteqarfigisaanit. Ernianut anigaasartuut tamanna soraarnerussutisiaqarsinnaatitaasup isertitaasa akileraarutaasussat naatsorsornerini ilanngaatigineqarsinnaanngilaq. Aaqqissuussinernut tamanut akileraarutissat naatsorsorneqassapput. Suliffeqarfiup ukiut tamaasa ukiumut anigaasarsiaqarfusumut qaangiuttumut akileraarutissanik naatsorsorneqarsimasunik akileraartussaataasooq ilisimatittassavaa.

**§ 17.** Ukiup aningaasarsiorfusup ingerlanerani soraarnerussutisiaqalernissamut aaqqissuussinerit § 1, imm. 1-mi taaneqartut atorunnaarsinneqarnerini suliffeqarfik akileraarnermi tunngavigisassanik taakkulu ilaannik akileraarutaasussanik inaarutaasumik naatsorsuusiussaaq, taamaattorli imm. 3 takujuk.

Suliffeqarfiup akileraaruteqaataasussat unerartissavai akileraartarnermillu ingerlatsivimmut nalunaarutigalugillu akilissallugit, pineqartut akileraarutaasussaasut suliffeqarfimmit tunniunneqarnerinit ullut nalinginnaasut pingasut qaangiutinnginnerini. Atorunnaarsitsineq tunniussisoqarneranik malitseqanngippat suliffeqarfiup pineqartup akileraarutissat unerartissavai akileraarnermillu ingerlatsivimmut nalunaarutigalugillu akilissallugit atorunnaarsitsinerup suliffeqarfimmit ilisimaneqalerneraniit qaammat ataaseq qaangiutsinnagu. Akileraarutissat akilerneqarnerannut peqatigitillugu suliffeqarfiup akileraartussaataitaasoq akiliisimanermik ilisimatissavaat.

Soraarnerussutisiaqalernissamut katersanut kontumut akileraarnermi tunngavigisassat inaarutaasumik naatsorsorneqarnerini pappiara nalilik tunineqartutut isigineqassaaq piffissami kontup atorunnaarfiani niuerutigineqarnermini nalinganut naapertuuttumik. Naatsorsuusionerme tamatumani erniat akilerneqartussat saniatigut ilanngunneqassapput atorunnaarsitsinerme ernialiunneqarsimasut akiligassanngorsimanngitsulli. Soraarnerussutisiaqalernissamut aaqqissuussinermit § 4 malillugu pissarsianik akileraarutaasussanik naatsorsuisussamut akileraarnermi tunngavigisassat inaarutaasumik naatsorsorneqarneranni ukiup aningaasarsiorfusup ingerlanerani pissarsiat akileraaruteqaataasussat ilanngussimasut ilanngunneqassapput.

*Imm. 2.* Piffissaliussap imm. 1-mi taaneqartup naanerani akileraarutit sulii akilerneqarsimanngippata, piffissaliussap naaneraniit akiliisoqarnissaata tungaanut erniat suliffeqarfiup akilissavai. Erniaq akileraartarnermik ingerlatsinermik inatsimmi § 43, imm. 1 malillugu erniamut naapertuuppoq.

*Imm. 3.* Aningaasarsianit akileraarutit pillugit inatsimmi § 45, imm. 1 malillugu nuussinernut atatillugu katersaqartarnermik aaqqissuussinerit § 1, imm. 1-mi taaneqartut atorunnaarneri imm. 1 atorineqassanngilaq. Taarsiullugu suliffeqarfik nuussivigineqartoq ukiumi aningaasarsiaqarfiusumi januaarip aallaqqaataaniit ukiumi aningaasarsiaqarfiusumi decembarip ulluisa 31-iat ilanngullugu naatsorsuusiussaaq. Aaqqissuussinermik nuussineq malitseqassappat ukiup aningaasarsiorfusup ingerlanerani naatsorsueriaatsip allanngortinneqarneranik, sillimasiissutit allatut naatsorsorneqartalersut nutaamik naatsorsueriaaseqalernermit ikaarsaariarnermiit akileraarnermi tunngavigisassat naatsorsorneqassapput. Akileraarut naatsorsorneqassaaq, uninngatinneqassaaq tunniunneqarlunilu § 16 malillugu akileraarutit ilaatut. § 4 malillugu akileraarusersuinermit ikaarsaariarnermi sillimasiissummi toqqortat nalingat § 4, imm. 1 naapertorlugu ukiup aningaasarsiorfusup aallartinnerani sillimasiissummi toqqortat nalingattut isigineqassaaq.

**§ 18.** Akileraartussaataitaasut § 1, imm. 2-mi taaneqartut akileraartussaataitaanerata, toqukkut qimagunnermik pissuteqanngitsumik, atorunnaarpat, suliffeqarfiup akileraarnermi tunngavigisassat taakkulu ilaat akileraaruteqaataasussat inaarutaasumik naatsorsussavai. Suliffeqarfiup akileraarutaasussat unerartissavai akileraartussaataitaanerullu atorunnaarnerata ilisimaneqalerneranit qaammat ataaseq qaangiutsinnagu akileraartarnermik ingerlatsivimmut nalunaarutigalugillu akilissallugit. Akileraarutissat akilerneqarneranut peqatigitillugu suliffeqarfiup akileraartussaataitaasoq akiliisimaneq pillugu ilisimatissavaa. Soraarnerussutisiaqalernissamut katersanut kontumut akileraarnermi tunngavigisassat inaarutaasumik naatsorsorneqarneranni pappiaqqat nalillit akileraartussaataitaanerup

atorunnaarnera ilutigalugu atorunnaartutut isigineqassapput atorunnaarsitsinermi niuerutigineqarnermi naligitinneqartumut naapertuuttumik. Naatsorsuinermi tamatumani ernianut akilernerqartussanngorsimasut saniatigut ilanngunneqassapput erniat atorunnaarsitsinermi ernialiunneqarsimasut massakkulli akilernerqartussaanngitsut. Soraarnerussutisiaqalernissamut aaqqissuussinermut § 4 malillugu pissarsianik akileraaruteqaataasussanik naatsorsuisussamut akileraarnermi tunngavigisassat inaarutaasumik naatsorsorneqarneranni pissarsiat akileraaruteqaataasussat ilaat ukiumi aningaasarsiaqarfusumi ilanngussimasut ilanngunneqassapput. § 17, imm. 2 taamaaqataanik atuutissaaq.

*Imm. 2.* Ukiup aningaasarsiorfusup, akileraartussaataitaasut § 1, imm. 1-mi taaneqartut toqukkut qimagunnermik pissuteqanngitsumik akileraartussaataitaanerisa naaffiata, naanerani, § 12 naapertorlugu akileraarutissanik amigartoorfusunik uninngasoqarpat, akileraarutissat amigartoorfusut atorneqarsinnaapput akileraarutissanit sinneqartoorfusunit ilanngaatitut § 1, imm. 1 malillugu akileraartussaataitaaneq atuutileqqissagalarpat. Soraarnerussutisiaqalernissamik aaqqissuussineq § 1, imm. 1 malillugu akileraartussaataitaanerup atorunnaarnerata kingorna akileraartussaataitaaneq § 1 imm. 1 malillugu atuutileqqigani atorunnaarsinneqarpat § 20 atorneqassaaq.

**§ 19.** Akileraartussaataitaasut § 1, imm. 2-mi taaneqartut akileraartussaataitaanerata atorunnaarpat, tamatuma kingorna qaammatit pingasut qaangiutsinnagit akileraarnermi tunngavigisassat taakkunanngalu akileraarutaasussat inaarutaasumik naatsorsorneqarnerannik kiisalu ukiumut aningaasarsiaqarfusumut ingerlasumut ukiunullu aningaasarsiaqarfusunut qaangiuttunut akileraarutissanik akileraarnermik ingerlatsivimmuut tunniunneqassaaq, tamatumunnga inaarutaasumik naatsorsuummik tunniussaartoqarsimanngippat. Akileraarutissat akiligassat imm. 2 malillugu ernialiunneqarsimajunnartunit ilallugit naatsorsuutitut nassiunneqarnerinut peqatigitillugu akilernerqassapput. Akileraarnermi tunngavigisassat inaarutaasumik naatsorsorneqarneranni aningaasat pappiaqqanik nalillit akileraartussaataitaanerup atorunnaarnerani tunineqartutut naatsorsuutigineqassapput akileraartussaataitaanerup naanerani niuerutigineqarnerminni nalingannut naapertuuttumik aningaasartalerlugit.

*Imm. 2.* Ukiumut aningaasarsiaqarfusumut qaangiuttumut inaarutaasumik akileraarutissat naatsorsorneqarsimasut ernialersorneqalissapput ukiumi aningaasarsiaqarfusumik ingerlasumi februaarip ulluisa 20-anniit akiliisoqarnissaata tungaanut. Ukiumut aningaasarsiaqarfusumut ingerlasumut ernianut § 22, imm. 5-mi taaneqartumut naapertuuttumik ernialersuisoqassaaq. Akileraarutissat kingusinaartumik akilernerqarpata taamaattoq oqaaseqaatigiit suilliit malillugit taamaallaat ernialersuisoqassaaq ullormut piffissaatillugu akiliuteqarfusinnaasumut kingullermut. Ukiumut aningaasarsiaqarfusumut akileraarutissat piffissaatillugu akilernerqarpata ernialersuisoqassanngilaq. Piffissarititap imm. 1-mi taaneqartup qaangiutinnginnerani akileraarutissat akilernerqanngippata, § 23 malillugu ernialersuisoqassaaq akiliisoqarnissaa tungaanut.

*Imm. 3.* Imm. 1 aamma 2 taamatuttaaq atuutissapput akileraarutitut akileraartussaataitaasut § 1, imm. 2-mi taaneqartut § 1, imm. 1 malillugu soraarnerussutisiaqalernissamut aaqqissuussinernut unerartitaannut.

**§ 20.** Ukiup aningaasarsiaqarfusup naanerani, soraarnerussutisiaqalernissamut aaqqissuussinerit, § 1, imm. 1-mi taaneqartut arlaata uninnerani, imaluunniit akileraartussaataitaasut § 1, imm. 2-mi taaneqartut ilaata akileraartussaataitaanerata uninnerani, § 12 naapertorlugu akileraarutissanik amigartoorfusunik



uninngasoqarpat, ukiuni aningaasarsiorfusuni tullerni akileraarutissanit ilanngaattit atorneqarsinnaanngitsunik, § 12, imm. 2-5-ilu malillugit tunniunneqarsinnaanngitsunik, aningaasat akileraarutissanut amigartoorfusunut naapertuuttut, aaqqissuussinermut suliffeqarfimmulluunniit tunniunneqarsinnaapput, taamaattorli imm. 2 takujuk. Taamaattorli annerpaamik tunniunneqarsinnaapput aningaasat inatsit manna malillugu akileraarutitut, soraarnerussutisiaqalernissamut aningaasaatit ilaasa il.il. akileraaruserneqartarnerat pillugit inatsit (soraarnerussutisiaqalernissamut aningaasaateqarfinnit pissarsiat akileraaruserneqartarnerannik inatsit) malillugu akileraarutitut aamma qularnaveeqqusiilluni ernianut akitsuutit pillugit inatsit malillugit akitsuummut, ukioq amigartoorfusumik akileraarfusimasoq atorneqarsimanngitsunik siulleg sioqqullugu ukiuni aningaasarsiaqarfusimasuni tallimani akiliutigineqarsimasunut naapertuuttut.

*Imm. 2.* Imm. 1 taamatuttaaq atuutissaaq soraarnerussutisiaqalernissamut aaqqissuussinermik § 18, imm. 2, oqaaseqatigiit aappaanni taaneqartumik atorunnaarsitsinermi.

**§ 21.** Naatsorsuinerit nassiunneqarnissaannut akileraarutissallu akilernerneqarnissaannut ulloq piffissaliussaq kingulleq nalliuttuuppat arfininngornerulluniluunniit piffissaliussaq ullormut nalinginnaasunut tullittumut siullermut sivitsorneqassaaq.

**§ 22.** Akileraartarnermik ingerlatsiviup §§-it 16-20 malillugit naatsorsuutit akileraarutissanillu naatsorsuinerit nakkutigissavai. Akileraartarnermik ingerlatsiviup §§-it 16-20 malillugit inaarutaasumik naatsorsuutit naatsorsuinerilluunniit eqqunngitsutut isigigunigit allanngortissinnaavai.

*Imm. 2.* Akileraartarnermik ingerlatsiviup naatsorsuutit nassiussisimasoq akileraarutissanik allanngortitsinerusinnaasunik tamatumunngalu tunngavilersuutit kiisalu akileraaruserinermik ingerlatsineq pillugu inatsimmi malittarisassat malillugit Akileraaruserinermik Aalajangiisartunut naammagittaalliuteqarsinnaanermik ilisimatissavai. Soraarnerussutisiaqalernissamut aaqqissuussinerit, § 1, imm. 1-imi taaneqartut, akileraarutissaasa allanngortinneqarnerat pineqarpat soraarnerussutisiaqalernissamut aningaasaateqarfiup il.il. tamanna akileraartussaataasumut nalunaarutigissavaa, soraarnerussutisiaqalernissamut aningaasaateqarfiup il.il. akileraarutissat allanngortinneqarnerannik nalunaarummik tigusineranit sapaatit akunneri sisamat qaangiutsinnagit.

*Imm. 3.* Soraarnerussutisiaqarsinnaatitaasoq akileraartussaataitaasoq isumaqarpat soraarnerussutisiaqalernissamut aningaasaateqarfiup il.il. akileraarnermi tunngavigisassanik naatsorsuusiomanera akileraarutissanilluunniit naatsorsuisomanera eqqunngitsaq, akileraartussaataitaasup akileraartarnermik ingerlatsineq pillugu inatsimmi malittarisassat malillugit apeqqut Akileraaruserinermik Aalajangiisartunut tunniussinnaavaa, § 16 aamma § 17, imm. 1 malillugit ilisimatinneqarnermiit qaammatit pingasut qaangiutinnginneranni. Soraarnerussutisiaqarsinnaatitaasup soraarnerussutisiaqalernissamut aningaasaateqarfimmit il.il. akileraarutissat naatsorsorneqarsimanerat pillugu nalunaarummik ilanngussissaaq, oqaatigalugulu immikkoortuni suni soraarnerussutisiaqarsinnaatitaasoq isumaqarnerisooq akileraarutissaq kukkusumik naatsorsorneqarsimanersooq taamatullu aamma soraarnerussutisiaqalernissamut aningaasaateqarfik il.il. tamatumunnga qanoq oqaaseqaateqarsimanersooq.

*Imm. 4.* Allanngortitsineq inaarutaasumik akileraaruteqaataasussat appartinneqarnerannik malitseqarpat, aalajangiinermiit sapaatit akunneri arfinillit qaangiutsinnagit akileraarutaavallaarsimasut utertillugit tunniunneqassapput. Akileraarutaareersut qaavatigut akileraarutaasussat akileraarutissat

allanngortinneqarnerannik akileraartarnermik ingerlatsiviup nalunaaruteqarneranit sapaatit akunnerini arfinillit qaangiutinnginnerani akilerneqassapput.

*Imm. 5.* Akileraarutissat §§-it 16-19 malillugit soraarnerussutisiaqalernissamut aningaasaateqarfimmit akilerneqarsimasut allanngortinneqarpata, ukiup aningaasarsiorfiusup kingorna februaarip ulluisa 20-annit kisitsit assigiinngissutaasoq ernialersorneqalissaaq, akiliisoqarnissaata tungaanut. Ukiumut aningaasarsiaqarfiusumut ernialersuinnermut tunngasumi erniat, qaammatisiutit ukiuanni siuliani qaammatini juulimi, aggustimi septembarimilu aningaasalersuinnermik ingerlatseqatigiiffiunngitsunut tiguisinnaatitaanermut Danmarkip aningaaserivissuata Danmarks Nationalbankip ernialiuttagaa nalinginnaasumik agguaqatigiissitaq tunngavigalugu naatsorsorneqartassaaq. Aningaasalersuinnermik ingerlatseqatigiiffiunngitsunut qaammatikkaartunik tiguisinnaatitaanermut Nationalbankip qaammatikkaartumik ernialiuttagaa naatsorsorneqartoq, inoqutigiinnut aningaasalersuinnermillu ingerlatseqatigiiffiunngitsunut toqqortikkanut taarsigassarsianullu aningaasalersuinnermik ingerlatseqatigiiffiit ernialiuttagaat pillugit kisitsisitigut paasissutissat pillugit Europami qitiusumik aningaasaateqarfissuup Den Europæiske Centralbankip peqqussutaa (EF) nr. 63/2002 ulloq 20. december 2001-meersoq (ECB/2001/18) naapertorlugu naatsorsorneqartassaaq. Aningaasalersuinnermik ingerlatseqatigiiffiunngitsunut qaammatikkaartumik Nationalbankip tigoraaannarnut erniaq naatsorsortagaa, naatsorsorneqassaaq taarsigassarsiarititanut utertinneqartussanut erniaviup oqimaalutakkamik agguaqatigiissinneqarneratut, uniffiup kingorna marlunnik kisitsisitalerlugit naatsorsukkanik. Oqaaseqatigiit aappaanni nalinginnaasumik agguaqatigiissitsineq naatsorsorneqassaaq uniffiup kingorna ataasiinnarmik kisitsisitalikkamik. Erniaq qaammatisiutit ukiuat ukiumut aningaasarsiaqarfiusumut naapertuuttoq sioqqullugu kingusinnerpaamik decembarip ulluisa 15-ianni saqqummiunneqartassaaq. Taamaattorli annerusumik akileraarutaasussat piffissaliussap imm. 4-mi taaneqartup kingorna akilerneqarpata erniaq pineqartoq taamaallaat naatsorsorneqassaaq ullormut piffissaagallartillugu akiliiffissamut kingullermut.

**§ 23.** Akileraarutissat erniaajunnartunik ilallugit ilanngarlugilluunniit piffissaq eqqorlugu akilerneqarsimanngippata, piffissaq eqqorlugu akiliiffissamit kingullermiit akiliinissap tungaanut ernialersuisoqassaaq. Erniaq akileraaruserinnermik ingerlatsineq pillugu inatsimmi § 43, imm. 1-imi aalajangersarneqartumut naapertuutissaaq.

*Imm. 2.* Imm. 1 malillugu erniat akileraarnermi tunngavigisassani ilanngaatinneqarsinnaanngillat.

*Imm. 3.* § 22, imm. 4-mi piffissaliussap kingorna akileraarutinit akiliutaavallaarsimasunik, § 22, imm. 5 malillugu ernianik ilallugit, utertitsilluni akiliinnermi, erniaritinneqassaaq erniaq akileraaruserinnermik ingerlatsineq pillugu inatsimmi § 43, imm. 1-imi aalajangersarneqartoq.

**§ 24.** §§-it 16-19 malillugit naatsorsuinnerit piffissaagallartillugu tunniunneqanngippata akileraartarnermik ingerlatsiviup akileraarnermi tunngavigisassat taakkulu ilaat akileraaruteqaataasussat missingissavai.

*Imm. 2.* Akileraarutissat imm. 1 malillugu missingerneqarsimappata akileraaruserinnermik ingerlatsinnermik inatsimmi § 43, imm. 1 malillugu ernianut akiliuteqartoqartassaaq §§-it 16-19 aamma 21 malillugit piffissaagallartillugu ullormit akiliuteqarfissamit kingullermiit akiliuteqartoqarnissaata tungaanut.

*Imm. 3.* Akileraartarnermik ingerlatsiviup § 1, imm. 2 malillugu akileraartussaataasut, soraarnerussutisiaqalernissamut aningaasaateqarfiit il.il. soraarnerussutisiaqalernissamut

aaqqissuussinernik § 1, imm. 1-imut ilaatinneqartunik neqeroorutillit, kiisalu akileraartussaataitaasut § 1, imm. 1-imut ilaatinneqartut, peqqusinnaavai §§-it 16-19 malillugu akileraarutissat naatsorsorneqarsimasut nakkutigineqarnerannut atatillugu paasissutissanik ingerlatsiviup atorfissaqartitaanik piffissap aalajangersimasup iluani tunniussinissaannut.

**§ 25.** Inatsisip allaffissornikkut aquunneqarnera pillugu malittarisassanik Naalakkersuisut aalajangersaasinnaapput, ilaatigut makku pillugit:

- 1) §§-it 16-19 malillugit naatsorsuutit suliarineqarnerinut naatsorsuuserinikkut tunngavissat,
- 2) akileraarnermi tunngavigisassat taakkunanngalu akileraarutaasussat naatsorsorneqarnissaannut atugassatut paasissutissat suut akileraartarnermik ingerlatsivimmud nalunaarutigineqassanersut, kiisalu qanoq ilusilerlugit paasissutissat taakku tunniunneqartassanersut,
- 3) § 11, imm. 3 naapertorlugit pissarsinermi akit tunisinermilu akit aningaasanngortinneqartarneri,
- 4) akileraarnermi tunngavigisassat taakkunanngalu akileraarutaasussat naleqqussarneri,
- 5) aaqqissuussinermik soraarnerussutisiaqalernissamut aningaasaateqarfimmut aningaasaateqarfimmilluunniit il.il. nuussinermi naatsorsuinerit akileraarutissallu nassiunneqarnissaannut piffissarititap akileraaruteqaataasussallu ernialersorneqarnerisa naleqqussarneqarnerat,
- 6) kiap akileraarummik akiliisussaataitaneramik naleqqussaaneq,
- 7) nuussinernut atatillugu akileraarutissat naatsorsorneqarneranni atugassatut paasissutissanik soraarnerussutisiaqalernissamut aningaasaateqarfiit il.il. akornanni ingerlatitseqqiineq,
- 8) aningaasarsianit akileraarutitut inatsimmi § 17 malillugu akileraarutissanik imaluunniit § 45 malillugu akitsuummik akiliinermi § 20 malillugu akileraarutissanit amigartoorutit ilanngaatigineqartarnerat, tamatumunnga ilanngullugu soraarnerussutisiaqalernissamut aningaasaateqarfiit il.il. aningaasanut § 20-mut akerliusumik ilanngaatigineqarsimasunut akiliinissaminnut pisussaaffeqarnerat, taakkulu ernialersorneqarnerat, aamma
- 9) Danmarkip Kalaallit Nunaatalu akornanni akileraartarneq pillugu isumaqatigiissut 20. februar 2012-imeersoq malillugu inatsit manna malillugu akileraarutissat Danmarkimut nuunneqartussat naatsorsorneqarnerinut atatillugu paasissutissat suut akileraartarnermik ingerlatsivimmud nalunaarutigineqartassanersut.

*Imm. 2.* Soraarnerussutisiaqarsinnaatitaasut § 1, imm. 1 malillugu akileraartussaataitaangitsut akileraarutitut akiliissaangitsut akileraartarnermik ingerlatsivik malittarisassiorsinnaavoq.

**§ 26.** Akiliisitaanermik pineqaatissinneqassapput kikkut piaaralutik mianersuaalliorujussuarlutilluunniit

- 1) akileraarutitik nakkutilliinermut atugassanik eqqunngitsunik paatsiveerussaatinilluunniit paasissutissiisut paasissutissanilluunniit nipangiussisimasut,
- 2) §§-it 16-20 malillugit naatsorsuutitik nassiussinngitsut, imaluunniit
- 3) piffissaagallartillugu akileraarutissaminnik akiliinngitsut.

*Imm. 2.* Akileraannginnissaq siunertaralugu piaaraluni taaneqartunik unioqqutitsisoq akiliisitaanermik pineqaatissinneqassaaq, Kalaallit Nunaanni pigisanut tunngatillugu pinerlunnerit pillugit pinerluttulerinermi inatsimmi malittarisassat malillugit sakkortunerusumik pineqaatissinneqarnissaq tunngavissaqanngippat.

*Imm. 3.* Inatsit malillugu peqqussutini, peqqussutini aalajangersakkanik unioqqutitsinerit akiliisitaanermik pineqaatissiisutaasinaanerat aalajangersarneqarsinnaavoq.

*Imm. 4. Ingerlatseqatigiiffiit il.il. inatsisitigut inuttut isigineqarsinnaasut pinerluttulerinermi inatsimmi §§-it 17-19 malillugit pineqaatissinneqartussatut akisussaatinneqarsinnaapput.*

**§ 27.** Unioqqutitsineq nalilerneqarpat akiliisitaanermit sakkortunerusumik pineqaatissiissutaasinnaanngitsoq akileraartarnermik ingerlatsiviup pineqartumut ersersillugu nalunaarutigisinnaavaa suliassa eqqartuussinertaqanngitsumik naammassineqarsinnaasoq, pineqartup unioqqutitsineq nassuerutigippagu nalunaarutigalugulu piffissap sukumiinerusumik taaneqartup, kissaateqartoqarneratigut sivitsorneqarsinnaasup, iluani, akiliisitsissutip ersersillugu nalunaarutigininnermi taaneqartup akilernissaanut.

*Imm. 2. Ersersillugu nalunaarutigininneq imm. 1-imi taaneqartoq eqqarsaatigalugu, eqqartuussisarnermik inatsimmi allakkat unnerluussissutit imarisassaannut piumasaqaatit, aamma unnerluussap oqaaseqarnissaminut pisussaaffeqannginnera pillugit malittarisassat, taamatuttaaq atuutissapput.*

*Imm. 3. Akiliisitsissut piffissaagallartillugu akilernerneqarpat akuerineqarnermiluunniit kingorna pinngitsaaliissummik akilersinneqarpat paarnaarussaataassutaappalluunniit malersueqqittoqassanngilaq.*

*Imm. 4. Inatsisartut inatsisaat naapertorlugu akiligassiissutit Nunatta Karsianut nakkartinneqartassapput.*

**§ 28.** Inatsimmi matumani aalajangersakkanik unioqqutitsisimanermik suliassani uppersaataissanik ujaasisoqarsinnaavoq, suliassani inatsit malillugu pineqaatissinneqarsimasunut inissiisarfirmmut inissinneqaataasinnaasuni, eqqartuussisarneq pillugu inatsimmi uppersaataissanik ujaasisarneq pillugu malittarisassat naapertorlugit.

## **Kapitali 5**

### *Suliffeqarfiit akileraartussaataasut allaffissornikkut aqunneqalersimasut*

**§ 29.** Aningaasaqarnermik Nakkutilliisoqarfik aalajangiippat soraarnerussutisiaqalernissamut aningaasaateqarfiup soraarnerussutisiaqalernissamut neriorsuutai imaluunniit inuunermik sillimmasiisarnermik aktiaateqarluni ingerlatseqatigiiffiup sillimmasiissutai allaffissornikkut aqunneqalissasut, soraarnerussutisiaqalernissamut aningaasaateqarfiup imaluunniit inuunermik sillimmasiisarnermik aktiaateqarluni ingerlatseqatigiiffiup akileraarnermi tunngavigisassat il.il. naatsorsornerinik tunniussinissamut pisussaaffi allaffissornikkut aqutsisunngortut tigussavaat. Soraarnerussutisiaqalernissamut aningaasaateqarfiup imaluunniit inuunermik sillimmasiisarnermik aktiaateqarluni ingerlatseqatigiiffiup inatsit manna malillugu akileraarutissaannut, akileraarutissat erniallu sinneruttut, ulloq taanna allaffissornikkut aqunneqalernissap aallartinneqarnissaanik aalajangiisoqarnerani kingusinnerusukkuluunniit akilernerqareersimasussat ilanngullugit, kiisalu soraarnerussutisiaqalernissamut neriorsuutinit sillimmasiissutinilluunniit tigummineqartunit akileraarutissaat akilernerqarnissaannut allaffissornikkut aqutsisut pisussaaffeqarput. Akileraarutaavallaarsimasut ernialiussaavallaarsimasullu, taakkununga ilanngullugit aningaasat § 20 naapertorlugu akileraarutissanut amigartoorutinut atorineqarsimanngitsunut naapertuuttut, ulloq taanna allaffissornikkut aqunneqalernissap aallartinneqarnissaanik aalajangiisoqarnerani

kingusinnerusukkulluunniit tunniunneqareersimasussat allaffissornikkut aqutsisunut nakkartinneqassapput.

## **Kapitali 6**

### *Atuutilernera*

**§ 30.** Inatsisartut inatsisaat ulloq 1. januar 2018 atuutilerpoq.

*Namminersorlutik Oqartussat, ulloq 23. november 2017*

Kim Kielsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut